

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Održana treća sjednica Predsjedništva Saveza	1
PDPFBiH usvojio prijedlog Zakona o budžetima u FBiH	2
Održane radionice sa općinskim koordinatorima za rad sa Savezom	3
Održane prezentacije općina koje su ušle u najuži krug programa Beacon Plus	3
U Donjem Vakufu održan regionalni sastanak na temu: Prezentacija prednosti i dobrih praksi pri implementaciji LOD metodologije	4
Općina Iliđa uvela sistem 72	4
Općina Novi Grad Sarajevo predstavljena evropskim partnerima u Briselu	5
Počela izgradnja azila za napuštene životinje u Zenici	5
Potpisano pismo obaveze za otvaranje info centra za energetska efikasnost	6
Općina Gračanica kreće u izradu SEAP-a	6
INTERVJU: Ljubo Grizelj, načelnik Općine Grude	7
Asfaltirano 800 metara puta u Ilijašu	8

Bilten Saveza općina i gradova Federacije Bosne i Hercegovine

ODRŽANA TREĆA SJEDNICA PREDSJEDNIŠTVA SAVEZA OPĆINA I GRADOVA FEDERACIJE BOSNE I HERCEGOVINE

U Kalesiji je 29. oktobra/ listopada održana treća sjednica Predsjedništva Skupštine Saveza općina i gradova FBiH.

Članovi Predsjedništva Saveza razmatrali su obiman dnevni red, među kojima zabilješke sa održane tri sjednice skupštinskih komisija Saveza, i to: Komisije za međunarodne veze, saradnju i evropske integracije, Komisije za razvoj i unaprijeđenje lokalne samouprave i Komisije za ekonomski razvoj općina i gradova i finansije.



Sa sjednice Predsjedništva-Kalesija, 29.10.2013

Komisija za međunarodne veze, saradnju i evropske integracije razmatrala je informaciju sa nedavno održanog 2. Međunarodnog sajma općina i gradova jugoistočne Evrope – NEXPO u organizaciji Nalas-a. Po ovoj tački zaključeno je kako je potrebno napraviti sveobuhvatnu informaciju o efektima održanog sajma NEXPO, te da je, do održavanja sljedećeg Sajma, koji će biti u Plovidu (Bugarska), potrebno sačiniti ozbiljan koncept nastupa jedinica lokalne samouprave iz FBiH (zajednički štand Saveza općina i gradova FBiH na kome će biti uključene sve zainteresirane jedinice lokalne samouprave).

Komisija je, vezano za aktivnosti Saveza u vezi sa Nacrtom okvirnog strateškog dokumenta za BiH 2014.-2020. godine zaključila kako je neophodno da se Savez sa svojim predstavnikom aktivno uključi u proces programiranja IPA 2 (2014.-2020.), kao i da se do iduće sjednice Komisije pripremi informacija o postojanju strateških planova u općinama FBiH i njihovom stepenu ažurnosti. Po ovoj tački, Komisija je također zaključila kako Savez treba provesti anketiranje jedinica lokalne samouprave o potrebama za edukacijom o EU fondovima i pripremama projekatima, kao i to da Savez treba oformiti Jedinicu za evropske integracije.

Komisija za razvoj i unaprijeđenje lokalne samouprave razmatrala je Prijedlog izmjena i dopuna Zakona o lokalnoj samoupravi Unsko-sanskog kantona i Pravilnik o vođenju registra mjesnih zajednica.

Komisija za ekonomski razvoj općina i gradova i finansije je razmatrala inicijativu za izmjenu Pravilnika o načinu uplate javnih prihoda u FBiH, inicijativu Općine Tuzla za održavanje seminara po preporukama iz izvještaja o reviziji općina u FBiH, informaciju sa održanog seminara sa pomoćnicima načelnika za finansije na temu „Fiskalno izvještavanje u FBiH i izmjene koje donosi novi Zakon o budžetima u FBiH“: obaveze jedinica lokalne samouprave u FBiH, te prednacrt Zakona o finansiranju jedinica lokalne samouprave.

Zabilješke sa sjednice sve tri komisije Predsjedništvo je jednoglasno prihvatilo.

Na sjednici Predsjedništva prezentiran je i **Zakon o premjeru i registraciji nekretnina**, a izvjestioci su bili članovi Radne grupe za izradu radnog materijala Zakona Hazbo Ličina, direktor Uprave za imovinsko-pravne, geodetske poslove i katastar nekretnina Općine Zenica i Ivan Lesko, direktor kantonalne uprave za geodetske i imovinsko-pravne poslove Hercegovačko - neretvanskog kantona.

Nakon rasprave o navedeno zakonu, Predsjedništvo je zaključilo da se generalno podržava koncept ovog zakona, te da je isti potrebno poslati svim članicama Saveza na raspravu.

Članovima Predsjedništva prezentiran je i **Zakon o šumama Unsko-sanskog kantona**, čiji izjavitelj je bio Mehmed Čenanović, savjetnik načelnika Općine Bužim. Predsjedništvo je jednoglasno podržalo inicijativu Općine Bosanski Petrovac koja je usmjerena na izmjene ovog zakona.

Održana prva konferencija zemalja mediterana	9
Općina Domaljevac-Šamac u prekograničnom projektu vrijednom 600.000 eura	9
Općina Cazin potpisala project o prekograničnoj saradnji sa Republikom Hrvatskom	10
Najava konsultativnih radionica povodom pripreme prekograničnog programa BiH-Crna Gora za period 2014-2020	10
Najava događaja u organizaciji Saveza	11



Sa sjednice Predsjedništva-Kalesija, 29.10.2013

odnose sa javnostima. Predsjedništvo je usvojilo navedene strategije i izvještaj o provedenim aktivnostima.

Pored spomenutog, Predsjedništvo je razmatralo i niz informacija koje se odnose na rad Saveza, kao što je informacija o nacrtu Zakona o izmjenama i dopunama zakona o pripadnosti javnih prihoda u Federaciji BiH, informacija sa Konferencije na temu "Lekcije iz međunarodne saradnje općina iz Bosne i Hercegovine i Kraljevine Norveške", informacija o projektu "Konsultacije za energetska efikasnost u Bosni i Hercegovini" kao i tekuća pitanja.

Na dnevnom redu našli su se i dokumenti i aktivnosti koji su izrađeni i realizirani u okviru projekta "Jačanje kapaciteta saveza općina i gradova u BiH" – CDMA, među kojima prijedlozi **Strategije razvoja ljudskih resursa i Strategije komuniciranja za period 2014.-2018.**, izvještaj o tematskoj sjednici sa delegatima Doma naroda Parlamenta Federacije BiH, te izvještaj o održanom seminaru „Fiskalno izvještavanje i novi Zakon o budžetima u Federaciji BiH“ i seminaru za općinske službenike za

PD PARLAMENTA FBiH USVOJIO PRIJEDLOG ZAKONA O BUDŽETIMA U FBiH

Predstavnički dom Parlamenta Federacije BiH 30.10.2013. godine je u nastavku 23. sjednice usvojio Prijedlog zakona o budžetima u FBiH, kojim se, kako je kazao federalni ministar finansija Ante Krajina, propisuje jača finansijska disciplina i fiskalna odgovornost u FBiH.

Ministar Krajina je obrazložio da se suštinske izmjene u odnosu na postojeći zakon odnose na to da je definisan budžetski kalendar koji je preciziran u tzv. deset koraka, te da ekonomsku politiku donosi i utvrđuje Vlada Federacije BiH za srednjoročni period i te konstrukcije spušta na niže razine. Pojasnio je da se za potrebe koordinacije fiskalnih politika u FBiH uspostavlja Fiskalno koordinacijsko tijelo Federacije BiH, koje će sačinjavati federalni ministar finansija, ministri finansija kantona, a biće uključen i predstavnik Saveza općina i gradova Federacije BiH. Dodao je da će kantonalna ministarstva finansija biti obavezna da traže mišljenje, ne i saglasnost, Federalnog ministarstva kod projiciranja budžetskih prihoda.

Savez je dostavljao komentare, prijedloge i sugestije na Prednacrt zakona o budžetima u Federaciji BiH, kao i, u toku javne rasprave, na Nacrt zakona o budžetima u Federaciji Bosne i Hercegovine, te organizovao savjetovanje na temu Zakona o budžetima u Federaciji Bosne i Hercegovine u vidu seminara za pomoćnike za finansije o Prijedlogu zakona o budžetima u Federaciji BiH u kojem je uzeo učešće i predstavnik Federalnog ministarstva finansija/financija. Na seminaru je zaključeno da je potrebno prilagoditi ovaj Zakon potrebama jedinica lokalne samouprave da bi se izbjegli problemi i nejasnoće prilikom implementacije Zakona o budžetima u Federaciji BiH u budućnosti.

Savez se obratio Odboru za ekonomsku i finansijsku politiku Predstavničkog doma Parlamenta Federacije BiH sa Inicijativom da se, nakon usvajanja Zakona, podzakonskim aktom definiše implementacija ovog Zakona na lokalnom nivou, te da se oformi Radna grupa koju bi činili predstavnici Sektora za budžet Federalnog ministarstva finansija/financija i predstavnika Saveza općina i gradova Federacije BiH, koja će pripremiti sveobuhvatne Instrukcije za jedinice lokalne samouprave za primjenu Zakona o budžetima u FBiH. Imajući u vidu da su predviđena zakonska rješenja nedovoljno precizirana i dijelom neprimjenljiva u smislu implementacije u jedinicama lokalne samouprave, Instrukcije će detaljno razraditi primjenu za jedinice lokalne samouprave za sve dijelove Zakona, kako bi se izbjeglo neujednačeno sprovođenje u jedinicama lokalne samouprave. Odbor je prihvatio Inicijativu Saveza, te predložio Federalnom ministarstvu finansija/financija da pri izradi provedbenih akata za primjenu Prijedloga zakona o budžetima u Federaciji BiH aktivno uključi u proceduru izrade akata, na zahtjev, i predstavnike Saveza općina i gradova Federacije BiH.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.chc-cro-bih.net
www.programmmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

...za potrebe koordinacije fiskalnih politika u FBiH uspostavlja Fiskalno koordinacijsko tijelo Federacije BiH, koje će sačinjavati federalni ministar finansija, ministri finansija kantona, a biće uključen i predstavnik Saveza općina i gradova Federacije BiH.

ODRŽANE RADIONICE SA OPĆINSKIM KOORDINATORIMA ZA RAD SA SAVEZOM



Sa radionice održane u Sarajevu, 07.11.2013

Sa ciljem jačanja veze sa jedinicama lokalne samouprave, odnosno općinama i gradovima u Federaciji Bosne i Hercegovine, Savez općina i gradova FBiH je od 6. do 8. novembra/studenog organizirao tri regionalne radionice.

Učešće u radionicama su uzeli imenovani općinski koordinatori za rad sa Savezom iz oko pedeset općina i gradova FBiH. Kako među imenovanim općinskim koordinatorima postoji i određeni broj osoba koje su novoimenovane, odnosno, do sada se nisu

susretale sa Savezom u svom radu, ovo je bila prilika da se detaljno upoznaju sa aktivnostima Saveza, kao i da međusobno razmenimo iskustva i čujemo predloge za poboljšanje saradnje.

Održavanje radionica pomogao je OSCE-e kroz projekat „Podrška savezima općina i gradova“ (AMCS), kojeg zajednički realiziraju Savez općina i gradova FBiH i Savez opština i gradova RS-a, a finansijski podržava Misija OSCE-a u BiH.

Jedan od osnovnih ciljeva ovoga projekta je jačanje veze Saveza općina i gradova FBiH sa svojim članicama putem saradnje sa Koordinatorima za rad sa Savezom.

Na radionicama je analizirano trenutno stanje saradnje općinskih koordinatora i Saveza, a tematizirana su pitanja kao što su mogućnosti i oblici za unaprijeđenje buduće saradnja, te formaliziranje opisa poslova Koordinatora.

Kao rezultat održanih radionica bit će ažurirana postojeća „Preporuka u vezi sa unutrašnjom i međusobnom komunikacijom između članica Saveza i Saveza“, te će se izraditi Smjernice za vršenje uloge koordinatora.

Radionice su održane u Bosanskom Petrovcu, 6.11.2013. godine, Sarajevu, 7.11.2013. i Čitluku, 8.11.2013. godine.

Radionice su vodili Šejla Hasić, viši saradnik za projekte koja je prezentirala Projekat „Podrška savezima općina i gradova“ i Edin Demirović, saradnik za lokalnu samoupravu koji je prezentirao rad Saveza i ulogu i značaj koordinatora za rad sa Savezom.



Evropski pokret u Bosni i Hercegovini
European Movement in Bosnia and Herzegovina / Mouvement Européen a Bosnie Herzégovine

PREZENTACIJE OPĆINA KOJE SU UŠLE U NAJUŽI KRUG PROGRAMA BEACON PLUS



U ponedjeljak, 4.11.2013. godine u Sarajevu je upriličeno završno predstavljanje u VIII krugu Beacon Plus Projekta u BiH. U ovoj godini oko 35 općina i gradova je apliciralo za Beacon status iz četiri oblasti.

Općine i gradovi su na ovom skupu predstavili svoje dobre prakse na izabrane teme: Stvaranje povoljnog poslovnog okruženja u JLS u cilju privlačenja investicija; Civilna zaštita – funkcioniranje jedinica lokalne samouprave u hitnim situacijama“ (elementarne nepogode); Saradnja općinskih vijeća s građanima u procesu donošenja odluka i Zaštita životne

sredine u funkciji održivog razvoja općine/grada.

U završnom predstavljanju (prezentacija + intervju) učestvovalo je dvadeset općina i gradova koje su pokazale dobre rezultate.

Federalno ministarstvo pravde i Ministarstvo uprave i lokalne samouprave Republike Srpske će uz podršku Savjetodavna komisije u narednom periodu donijeti odluku o konačnom izboru najuspješnijih općina. Završna prezentacija dodjele nagrada će se održati u Brčko distriktu.





U DONJEM VAKUFU ODRŽAN REGIONALNI SASTANAK NA TEMU: „PREZENTACIJA PREDNOSTI I DOBRIH PRAKSI PRI IMPLEMENTACIJI LOD METODOLOGIJE“

Savez općina i gradova Federacije BiH, u saradnji sa Razvojnim programom ujedinjenih nacija (UNDP), od 01. januara 2013. godine počeo je sa implementacijom projekta "Podrška jačanju lokalne samouprave FBiH u pružanju efektivnijih i efikasnijih usluga".

U okviru komponente LOD III ovog projekta, predviđena je aktivnost podrške horizontalnoj integraciji LOD metodologije kroz organizaciju regionalnih sastanaka za jedinice lokalne samouprave (JLS). LOD metodologija je mehanizam za transparentno finansiranje projekata organizacija civilnog društva po standardima EU.

U skladu s time, Savez općina i gradova Federacije Bosne i Hercegovine je organizirao regionalni sastanak u Donjem Vakufu 14.11.2013. godine. Regionalnom sastanku u Donjem Vakufu prisustvovali su predstavnici iz Općine Visoko, Općine Donji Vakuf, Općine Bužim, Općine Bosanski Petrovac, Općine Busovača, Općine Vitez, Općine Novi Travnik, Općine Jajce, Općine Cazin i Općine Breza.

Cilj organiziranja regionalnog sastanka je bio da se predstavnicima jedinica lokalne samouprave, koje nisu uključene u LOD projekat, prezentiraju prednosti pri implementaciji LOD metodologije. Osim prednosti, predstavnik Općine Tuzla je prezentirala dobru praksu Općine Tuzla, koja već implementira LOD metodologiju.

Ova aktivnost Saveza je nastavak ranijih aktivnosti u okviru komponente LOD III, u sklopu kojih su prikupljene informacije o iskustvima i poteškoćama jedinica lokalne samouprave u vezi sa raspodjelom budžetskih sredstava organizacijama civilnog društva.

Napominjemo da komponentu LOD III, koja je treći nastavak projekta "Jačanje lokalne demokratije" finansira Evropska unija iz sredstava Instrumenta za pretprijetupnu pomoć (IPA) u iznosu od 2 miliona eura, a sprovodi Razvojni program Ujedinjenih nacija u Bosni i Hercegovini (UNDP).

Cilj projekta je doprinos demokratskoj stabilizaciji, pomirenju i daljnjem razvoju BiH kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te stvaranju finansijskih mehanizama za unaprijeđeno pružanje usluga.

OPĆINA ILIDŽA UVELA SISTEM 72

Centar 72 je jedinstveni informacioni sistem u Bosni i Hercegovini, koji će u roku od samo 72 sata informisati građane o statusu njihovog upita koji se odnosi na komunalne probleme. Ovaj sistem će se koristiti za bolje upravljanje općine i jačanje partnerstva između lokalnih vlasti i građana. Cilji sistema je osmišljen da bi bio na usluzi građanima i kao takav stoji na raspolaganju 24 sata dnevno.

Problem se može prijaviti 24 sata 365 dana godišnje. U roku od 72 sata građani će dobiti odgovor o statusu rješavanja problema. Također, projekat će pomoći u podizanju efikasnosti same općine u komunikaciji s građanima. Tamo gdje je za reakciju na određenu primjedbu, trebalo 4 ili 5 nivoa birokratije, sada će biti potrebna 1 ili 2 osobe, što će znatno doprinijeti brzini rješavanja problema. Web stranica i Android aplikacija ima jednostavan formular gdje korisnik odabere kategoriju problema (čišćenje ulica, građevinska inspekcija...), kratko opiše problem, opcionalno up-loaduje slike problema, te locira problem na karti.

Što se tiče općine Ilidža, do sada su prijavljeni problemi koji se tiču obnove vrtića, parkiranja, kanti za smeće, te uređenju dječijih igrališta.

Problem, zahtjev ili primjedbu možete poslati putem jednostavnog formulara koji se nalazi na www.centar72.ba/ilidza

Također, u svrhu razvoja lokalne samouprave, i u općini Posušje će se početi primjenjivati projekt Centar 72. U sklopu projekta angažirat će se stručna osoba u Službi za gospodarstvo razvitak i CZ Općine Posušje, koju će financirati CPI fondacija, a sudjelovat će u apliciranju i implementaciji budućih projekata čiji je cilj poboljšanje uvjeta življenja u ovoj zajednici.

Inače, projekt Centar 72 je pobjednik 2013 community boost izazova!

Radi se o projektu koji je startovao 2012. godine, kao informaciona platforma za sve koji su zainteresovani za upotrebu tehnologije u zagovaranju odgovornosti na Zapadnom Balkanu.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tasco.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Općina Ilidža

Saradujem s mojom općinom

Savez / Zajedno za uređenu i razvijenu lokalnu samoupravu

OPĆINA NOVI GRAD SARAJEVO PREDSTAVLJENA EVROPSKIM PARTNERIMA U BRISELU



U Predstavništvu Kantona Sarajeva u Briselu, načelnik Općine Novi Grad Sarajevo Semir Efendić prezentirao je svoju općinu šefovima delegacija sedam evropskih regija iz Italije, Austrije, Češke i Hrvatske. Efendić je govorio o projektima koji se trenutno realiziraju u Novom Gradu, te ukazao na mnoge razvojne mogućnosti najmnogoljudnije bh. općine.

Partnerstvo između evropskih regija jedan je od osnovnih modela za korištenje fondova Evropske unije čak i za one zemlje koje nisu njene članice. Iako je Općina Novi Grad lokalna zajednica, ona posjeduje sve resurse i

potencijale, koji, u zajedničkom nastupu sa lokalnim zajednicama iz evropskih regija, mogu biti korišteni za dobijanje sredstava EU programa.

"EU je zajednica država, ali poklanja veliku pažnju saradnji regija u cijeloj Evropi. Iskoristili smo kapacitete Predstavništva KS u Briselu i predstavili ono što radimo u Općini Novi Grad Sarajevo. Mnogobrojni fondovi EU koncipirani su tako da zahtijevaju učešće više partnera iz različitih država za njihovo korištenje, zbog toga je važno pokazati se kao relevantan partner", istakao je Efendić.

Predstavnici evropskih regija, nakon prezentacije sarajevske općine, zaključili su da postoje mnogi zajednički interesi koji mogu biti vodilja ka međusobnoj saradnji.


"Slušajući prezentaciju načelnika Efendića, shvatili smo da dijelimo mnoge oblasti interesovanja, kao što su povećanje energetske efikasnosti, razvoj privrede i infrastrukture, zaštite okoliša, turizam i kultura. Sigurna sam da možemo iskoristiti priliku za jedinstven nastup prilikom apliciranja kod novih programa finansiranja Evropske unije", rekla je šefica Predstavništva italijanske regije Friuli Venezia Giulia u Briselu Luisa Pocolen.

Predstavništvo KS u Briselu ima kvalitetne odnose sa EU institucijama, kao što je Komitet regija Evrope u kome je više od 300 članica. Tvrdi da je načelnik Efendić na pravi način iskoristio njihove kapacitete, kontakte i partnerske veze koji su godinama stvarani u Briselu.

"Načelnika Efendića smo upoznali sa institucionalnim djelovanjem Predstavništva KS i Komiteta regija Evrope. Načelnik je tokom posjete Briselu, a posebno kroz prezentaciju općinskih projekata, pokazao Novi Grad Sarajevo kao međunarodnog partnera", istakao je šef Predstavništva KS u Briselu Dino Elezović.

Općina Novi Grad Sarajevo je jedna od rijetkih lokalnih zajednica u BiH koja već koristi sredstva iz EU fondova kroz projekat Youth Adrinet IPA Project koji će ove godine u budžet Općine donijeti 160.000 KM.

Novogradski načelnik je tokom boravka u Briselu posjetio i Misiju Bosne i Hercegovine pri EU, Ambasadu naše zemlje u Belgiji, Parlament EU, Komitet regija EU, te održao sastanke sa predstavnicima ovih institucija.



Grb Općine Novi Grad Sarajevo



POČELA IZGRADNJA AZILA ZA NAPUŠTENE ŽIVOTINJE U ZENICI



Na lokalitetu Stranjani-Bare, na području općine Zenica, počela je izgradnja azila za napuštene životinje, objavljeno je na web stranici Općine.

Kapacitet azila je 60 mjesta sa mogućnošću proširenja. Objekat se sastoji od paviljona za smještaj napuštenih životinja i upravne zgrade. Građevinske radove izvodi preduzeće "Almy-transport" Zenica.

Investicija iznosi oko 340.000 KM.

Sredstva za projekt obezbijedili su Općina Zenica i UNDP.

Prema ugovoru, rok završetka prve faze azila je 6 mjeseci. Nadzor je povjeren Javnom preduzeću za prostorno planiranje i uređenje grada Zenica.




Grb Općine Zenica



Grb Općine Tuzla

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Gračanica

POTPISANO PISMO OBAVEZE ZA OTVARANJE INFO CENTRA ZA ENERGETSKU
EFIKASNOST

TUZLA, 30. oktobar/listopad – Predstavnik Američke agencije za međunarodni razvoj (USAID) Thomas Rojas je danas, zajedno sa načelnikom Općine Tuzla Jasminom Imamovićem potpisao Pismo obaveze za renoviranje, opremanje i pokretanje Info centra za energetske efikasnosti u Tuzli (EE Info Centar). Za ovu namjenu Općina Tuzla je odredila poslovni prostor u zgradi JP SKPC Mejdan.

Otvaranje EE Info Centra se implementira u okviru Godine energetske efikasnosti u Kantonu Tuzla, a zadatak Centra će biti da pruža informacije i motiviše građane o važnosti energetske efikasnosti, te aktivnoj ulozi energetske efikasnosti u borbi protiv globalnog zatopljenja.

“Ovo je jedan od koraka u realizaciji strategije razvoja Tuzle do 2026. godine i našeg lokalnog ekološkog plana i plana energetske efikasnosti. Novi korak je da informišemo što više preduzeća i građana, što više subjekata o tome da je energetska efikasnost prilika za svakog čovjeka, prilika za sve nas. Ovdje se ne radi o nekoj sofisticiranoj tehnologiji, nego o nerasipanju energije”, izjavio je načelnik Općine Tuzla, Jasmin Imamović.

Centar će biti središte mreže Info tačaka koje će biti postavljene u svakoj općini Kantona Tuzla, a služiti će kao mjesto za razmjenu informacija za građane koji će imati na raspolaganju i pomoć od strane obučanih energetske savjetnika. EE Info Centar će biti i mjesto gdje građani, studenti i profesionalci mogu razmjenjivati informacije i organizovati zanimljive prezentacije. Također, EE Info Centar će nastojati da postane i mjesto gdje se susreću ponuda i potražnja tehnologija energetske efikasnosti, mjesto gdje kompanije mogu predstaviti svoja rješenja i ostvariti kontakt sa mogućim kupcima.



OPĆINA GRAČANICA KREĆE U IZRADU SEAP-A

Općina Gračanica u okviru projekta REMIDA priprema izradu jednog od najvažnijih strateških dokumenata - Akcioni plan energetske održivog razvoja (SEAP) Općine Gračanica za period 2014-2020. Tim povodom ponedjeljak je održan prvi sastanak radne grupe za izradu SEAP-a.

Riječ je o radnoj grupi koju je imenovao općinski načelnik Nusret Helić, a koja je kao operativno i koordinacijsko tijelo zadužena za vođenje procesa izrade SEAP-a, zasnovanog na metodologiji participativnog planiranja u okviru projekta "smARt Energy chains and coMmunities in the meD Area - REMIDA", finansiranog od strane MED programa i Evropskog regionalnog razvojnog fonda (ERDF).

Prvi sastanak radne grupe je iskorišten kako bi se članovi upoznali sa obavezama prilikom izrade SEAP-a, a koje podrazumijevaju ocjenu stanja potrošnje energije, izradu baznog inventara emisija CO₂, određivanje vizije i ciljeva, kao i aktivnosti za postizanje ciljeva, zatim izradu metodologije, analizu postojećih regulativa i podsticajnih mjera na polju energetske efikasnosti i obnovljivih izvora energije na kantonalnom, federalnom i državnom nivou. Pored toga, obaveza radne grupe je da pripremi nacrt dokumenta SEAP-a, organizuje javne rasprave i uputi dokument Općinskom vijeću na usvajanje.

Tom prilikom članovima su podijeljeni i konkretni zadaci te je dogovoren i okvirni termin narednog sastanka, na kojem bi bili razmotreni prvi prikupljeni materijali i dogovorene naredne aktivnosti, objavljeno je na web stranici Općine.



INTERVJU: LJUBO GRIZELJ, NAČELNIK OPĆINE GRUDE

Razgovarala : Alisa DRECA

SARAJEVO, 31. oktobar/listopad (ONASA) - Načelnik Općine Grude Ljubo Grizelj u intervjuu za Agenciju ONASA govori, između ostalog, o aktivnostima lokalne vlasti u narednom periodu, nosiocima privrednog razvoja u općini, te zapošljavanju, posebno mladih osoba s područja općine Grude.

ONASA: Koji su najznačajniji projekti koje Općina Grude uspjela realizirati u ovoj godini?

GRIZELJ: Općina Grude se u ovoj godini fokusirala na realizaciju više manjih projekata vezanih za komunalnu infrastrukturu. Konkretno, ulagalo se u projekte lokalnih prometnica, uređenje središta grada, renoviranje školskih i drugih javnih objekata, te projekte vodoopskrbe i odvodnje oborinskih i kanalizacijskih voda. Trenutno su aktuelna ulaganja u školske objekte, s akcentom na osnovne škole, jer je uvođenje devetogodišnjeg osnovnog obrazovanja povećalo potrebe za učioničkim prostorom kojeg škole sada nemaju.

Općina Grude nije u mogućnosti sama finansirati velike, kapitalne projekte, zbog nedovoljnih sredstava u našem proračunu. Općinski proračuni su inače mali i najvećim dijelom služe za financiranje tekućih proračunskih pozicija. Sredstva za financiranje kapitalnih projekata očekujemo od viših razina vlasti, prije svega s razine Federacije BiH.

Međutim, u Općini je trenutno fokus na velikom ulaganju u nematerijalnu imovinu. Radi se o tome da je Općina Grude partner Splitsko-dalmatinskoj županiji iz Hrvatske u izradi projektne dokumentacije za projekat "Održivog upravljanja vodama u Imotsko - Bekijskom polju", gdje postoji 10.000 hektara obradivih površina, a koje, u najvećem dijelu, trenutno nisu obrađene. Izrada projektne dokumentacije, koja je prva faza ovog prekograničnog projekta koštaće 700.000 eura, a očekuje se da će biti završena za godinu i po. Struktura izvora sredstava je 15 posto vlastitog učešća, a 85 posto su bespovratna sredstva koje dodjeljuje Komisija EU.

Paralelno s prvom fazom, mi pripremamo teren za višemilionske investicije u samom polju, koje bi trebale uslijediti nakon izrade projektne dokumentacije. Već smo ostvarili prve kontakte sa Svjetskom bankom vezano za njen program navodnjavanja. Projekt bi u konačnici trebao omogućiti proizvodnju hrane za potrebe zajednice, ali i šire tržište, prije svega za turističke potrebe u Republici Hrvatskoj. Samim tim, realizacija ovog projekta generiraće nova radna mjesta i time doprinijeti ekonomskoj i socijalnoj stabilnosti stanovništva u našoj općini.

Ovaj projekat trebao bi biti uključen i u Strategiju razvoja Općine od 2015. godine, koju pripremamo u saradnji sa Kantonalnim ministarstvom privrede.

ONASA: Za realizaciju kojih projekata je Općini potrebna potrebna pomoć viših nivoa vlasti?

GRIZELJ: Jedan od najvećih problema općine Grude je problem oko izmještanja magistralne ceste M-6 iz središta Gruda. Izmještanje ove ceste neophodno je prvenstveno zbog adekvatnijeg odvijanja teretnog prometa. Za projekat izmještanja ceste urađena je projektna dokumentacija, ali postoji problem u vezi imovinskih odnosa, te zatvaranja finansijske konstrukcije.

Mi sami ne možemo zatvoriti finansijsku konstrukciju, ali to i nije područje odgovornosti lokalne zajednice. O ovoj problematici sam razgovarao sa federalnim ministrom prometa i komunikacija Enverom Bijedićem. Mislim da smo se dogovorili da će Ministarstvo projekat izmještanja magistralne ceste u Grudama u punom kapacitetu uvrstiti u program investicija za 2014. godinu. Do tada će se lokalna zajednica potruditi da na najkvalitetniji način riješi problematiku imovinsko-pravnih obaveza. Izmještanje ceste je veoma značajan projekat, čija realizacija, između ostalog, može doprinijeti dolasku novih investitora.

ONASA: Koliko ste zadovoljni dosadašnjom realizacijom aktivnosti definisanih u Strategiji razvika općine Grude do 2015. godine?


GRIZELJ: Ova desetogodišnja strategija je u dijelu koji se tiče komunalne infrastrukture - vodoopskrbe i odvodnje realizirana najvećim dijelom, dok je bolje od planiranog realizirana u dijelu koji se tiče razvoja gospodarstva. Mi nismo zadovoljni realizacijom planiranih ciljeva koji se odnose na gospodarske zone, ali razlog tome je nedostatak finansijskih sredstava.

ONASA: Ko su nosioci privrednog razvoja u općini i pokazuju li strani investitori interes za ulaganje?



Grb Općine Grude


"Mišljenja sam da bi se zakonodavstvo trebalo mijenjati u smjeru većeg uvažavanja jedinica lokalne samouprave. Federalna i državna razina vlasti kreirala je takve zakone koje skoro ne vode računa o lokalnoj samoupravi. Zbog tako donesenih zakona, jedinice lokalne samouprave u FBiH ne dobijaju dovoljno sredstava za razvoj, zbog čega smatram da će i općine koje imaju mogućnost razvoja početi zaostajati."



Grude

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tasco.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Ilijaš

GRIZELJ: U općini Grude je od stranih investitora prisutan samo "Franck" iz Hrvatske, koji je ujedno i najveći strani ulagač. "Franck" u Grudama ima dva poduzeća, od kojih se jedno bavi proizvodnjom kave za domaćinstvo, a drugi distribucijom proizvoda iz dijele grupacije.

Međutim, okosnicu našeg razvoja čine domaći investitori. U Grudama su prisutni tvornica higijenskih proizvoda "Violeta", Grafička industrija "Grafotisak", tvornica svijeća "Lumen", te građevinsko poduzeće "Putovi". Poduzeće "Violeta" će uskoro otvoriti novi proizvodni pogon za proizvodnju tekućih sapuna.

Ovi privredni subjekti ujedno zapošljavaju najveći broj radnika i uz preko pedeset srednjih i malih poduzeća čine grudsko gospodarstvo.

ONASA: Da li ste zadovoljni stepenom zaposlenosti na području općine Grude, posebno obrazovanih mladih kadrova?

GRIZELJ: U općini Grude ima oko 3.100 zaposlenih, te 1.650 nezaposlenih, od koji je oko 100 sa visokom i višom stručnom spremom. Zaposlenost u Grudama je iznad federalnog prosjeka, čime sam veoma zadovoljan. Međutim, nisam zadovoljan činjenicom da nam nedostaje osoba određenih kadrova (magistri farmacije, kadrovi građevinskih profila, inženjeri geodezije...), dok naprimjer, imamo puno osoba sa završenim pedagoškim fakultetom.

Nedavno sam raspisao i natječaj prema kojem bi mladima koji se odluče studirati geodeziju bile dodijeljene općinske stipendije, ali nisam dobio nijednu ponudu.

ONASA: Kakva je saradnja Općine Grude sa višim nivoima vlasti?

GRIZELJ: Mišljenja sam da bi se zakonodavstvo trebalo mijenjati u smjeru većeg uvažavanja jedinica lokalne samouprave. Federalna i državna razina vlasti kreirala je takve zakone koje skoro ne vode računa o lokalnoj samopuravi. Zbog tako donesenih zakona, jedinice lokalne samouprave u FBiH ne dobijaju dovoljno sredstava za razvoj, zbog čega smatram da će i općine koje imaju mogućnost razvoja početi zaostajati. Naprimjer, Zakon o pripadnosti javnih prihoda je Općini Grude 2007. godine osiguravao oko 3,3 miliona KM od neizravnih poreza, PDV-a carina i trošarina, a danas ta sredstva iznose oko 1,2 miliona KM.

ASFALTIRANO 800 METARA PUTA U ILIJAŠU

Kao rezultat uspješne saradnje Općine Ilijaš i Federalnog ministarstva za izbjeglice i raseljena lica, asfaltirana je dionica puta u naselju Podlugovi u općini Ilijaš u dužini od 800 metara i širine tri metra.

"Riječ je o realizaciji Sporazuma između Federalnog ministarstva za izbjeglice i raseljena lica i Općine Ilijaš kojim je definisana rekonstrukcija puta u Makljenju u Mjesnoj zajednici Podlugovi. Ovim Sporazumom je planirana i rekonstrukcija dva putna pravca u MZ Ljubnići i radove na tom putu ćemo početi odmah, kako bi iskoristili povoljne vremenske uslove. Građani Ilijaša će u ovoj sedmici dobiti 1.700 metara asfaltiranog puta, što će u velikoj mjeri olakšati život i obavljanje svakodnevnih obaveza mještanima naselja Podlugovi te time doprinijeti boljem životu na tom prostoru" kazao je načelnik Općine Ilijaš Akif Fazlić.

Ukupna vrijednost projekta je nešto manje od 150.000 KM, 100.000 obezbjedilo je Federalno ministarstvo, a oko 50 hiljada Općina Ilijaš.

Mještani nisu krili zadovoljstvo i kažu da su im do sada upravo neuređeni putevi predstavljali najveći problem. Predsjednik MZ Podlugovi Šemso Jusić izrazio je zadovoljstvo svim projektima koji su ove godine realizovani u ovom naselju kazavši da preostaju još samo dva puta koja su u vrlo lošem stanju, a to je u ulici Polomska i put prema Sovrlama. Nastojat će, kaže, te projekte kandidovati za narednu budžetsku godinu.



ODRŽANA PRVA KONFERENCIJA ZEMALJA MEDITERANA



U subotu, 26. oktobra/listopada 2013. godine održana je Prva Međunarodna konferencija Mediterana u mjestu Cisternino u Italiji. Konferencija je organizovana od strane općine Cisternino u saradnji sa Apulija regijom, ANCI i organizacijom "Najljepša sela u Italiji" i ovaj događaj je bio odskočna daska da se u svakoj od zemalja učesnica koje pripadaju

geografskom slivu Sredozemnog mora izgradi mreža "Najljepša sela" koja bi mogla postati članica postojeće međunarodne mreže "Najljepša sela na svijetu" koju je ovom prilikom zastupao potpredsjednik Fiorelo Primi.

Prva međunarodna konferencija zemalja koje izlaze na mediteranski bazen imala je delikatan i zahtjevan zadatak da koordinira stvaranje nacionalnih mreža koje će unaprijediti ljepote i karakteristike malih istorijskih gradova, pejzaža, kulturne, društvene i gastronomske tradicije, kroz stalno unaprijeđenje i promociju tipičnih karakteristika svake teritorije.

Konferencija koja se održala u Cisterninu bila je za Mediteranske zemlje samo prva prilika da se sretnu jer će se ponovo sastajati periodično u narednim godinama, u "Itria dolini", kao znak solidarnosti i bratstva među narodima.

Ovaj ambiciozni projekat je predstavljen prije nekoliko mjeseci od strane Fiorela Primija, predsjednika "Najljepših sela u Italiji" koji je ponudio gradonačelniku Cisternina, Donatu Bakar, vodeću ulogu u Nacionalnoj koordinacionoj komisiji za stvaranje udruženja "Najljepša sela zemalja Mediterana".

Posljednjih mjeseci napori u izgradnji međunarodne mreže Mediterana su nagrađeni dodjelom Medalje Predsjednika Republike općini Cisternino od strane predsjednika Italija Đorđa Napolitana, koji je izrazio snažnu podršku ovoj inicijativi koja će doprinijeti unaprijeđenju znanja i poštovanja nacionalnog, istorijskog i umjetničkog blaga.

Među ciljevima Prve konferencije Mediterana bila je, i ništa manje važna, integracija u bliskoj budućnosti sa Forumom "O Ljepoti" koji će se održati u Sabbioneta, Lombardija, u junu/lipnju 2014. godine, a koji će biti posvećen globalnim kretanjima zemalja u svijetu koje će promovirati ljepotu kao osnovni element kojim se razvijaju međunarodni odnosi, u skladu sa Međunarodnom federacijom "Najljepša sela na svijetu" nastalom sinergijom pet zemalja osnivača: Kanadom, Belgijom, Japanom, Francuskom i Italijom.

Savez općina i gradova Federacije BiH je pozvan da bude dio "Najljepših sela zemalja Mediterana".

Više informacija o ovoj mreži možete naći na www.borghimediterraneo.com

U sklopu ovog događaja održan je i sastanak radne grupe Nalas-a (Mreže asocijacije lokalnih vlasti jugoistočne Evrope) na kojoj je predstavljena Politika o održivom turizmu u jugoistočnoj Evropi.



OPĆINA DOMALJEVAC-ŠAMAC U PREKOGRANIČNOM PROJEKTU VRIJEDNOM 600.000 EURA

Potpisom općinskog načelnika Željka Josića na aplikacijska dokumenta, općina Domaljevac kandidirala je projekt "Geotermalni izvori" u okviru IPA projekata prekogranične suradnje između Bosne i Hercegovine i Republike Hrvatske za 2013. godinu.

"Geotermalni izvori" je projekt koji je rezultat suradnje Općine Domaljevac i Razvojne agencije Vukovarsko srijemske županije – HRAST iz Vinkovaca a odnosi se na gospodarsko korištenje geotermalnih izvorišta u Domaljevcu i Babinoj Gredi. Vukovarsko srijemska županija je nositelj projekta sa hrvatske strane, a općina Domaljevac-Šamac je aplikant i nositelj sa bosanskohercegovačke strane.

Ukupna vrijednost projekta je 600.000 eura, odnosno sa svake strane pojedina vrijednost iznosi po 300.000 eura. Partneri Općine Domaljevac u ovom projektu su Županija Posavska i Nezavisni biro za razvoj NBR iz Modriče.

Potpisivanju projekta u Domaljevcu iz Hrvatske nazočio je načelnik Općine Babina Greda Josip Krnić na čijem prostoru će se implementirati dio projekta koji se odnosi na Republiku Hrvatsku.





Grb Općine Cazin

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu


OPĆINA CAZIN POTPISALA PROJEKAT O PREKOGRANIČNOJ SARADNJI SA
REPUBLIKOM HRVATSKOM

"HR&BiH - Joint Development Point", naziv je projekta prekogranične saradnje sa Republikom Hrvatskom koji je danas potpisan u kabinetu načelnika općine Cazin.

Lideri projekta su Općina Cazin i Razvojna agencija Karlovačke županije- Karla, a u njega su još uključeni i Zadarska županija, Razvojna agencija Sisačko-moslavačke županije, Razvojna agencija Brodsko-posavske županije, Agencija za razvoj općine Tešanj, Agencija za ekonomski razvoj općine Prijedor "PREDA-PD", Razvojna agencija općine Čelinac, Općina Livno, Fond za zaštitu okoliša i energetska efektivnost Republike Srpske, Obrtnička komora USK i Telecentar Prijedor.

Cilj projekta je poslovno povezivanje i stvaranje mreže između predstavnika poslovnog sektora i potpornih institucija u HR – BiH prekograničnom prostoru i on će biti prijavljen za finansiranje iz sredstava Evropske unije u okviru poziva koji je objavljen početkom avgusta ove godine. U skladu sa objavljenim pozivom projekat se odnosi na Prioritet 1. Stvaranje zajedničkog ekonomskog prostora i Mjeru 1.2: Promocija poduzetništva. Ukupna vrijednost projekta je 508.000 eura.

"Od velike je važnosti da se općina Cazin angažira na ovakvim projektima i da imamo timove ljudi koji ih realiziraju. U proteklom smo periodu radili na tome i drago mi je da smo sada u tom pogledu među prvim u svome okruženju", kazao je Nermin Ogršević, načelnik Općine Cazin.

NAJAVA KONSULTATIVNIH RADIONICA POVODOM PRIPREME PREKOGRANIČNOG
PROGRAMA BOSNA I HERCEGOVINA – CRNA GORA ZA PERIOD 2014-2020

Legenda:
 Prihvatljiva područja
 Bosna i Hercegovina
 Crna Gora
 Pridružena područja
 Crna Gora

Direkcija za evropske integracije Bosne i Hercegovine i Ministarstvo vanjskih poslova i evropskih integracija Crne Gore, kao operativne strukture Programa prekogranične saradnje Bosna i Hercegovina – Crna Gora u okviru instrumenta za pretprijetnu pomoć (IPA), uz podršku Zajedničkog tehničkog sekretarijata i regionalnog projekta EU za podršku programima prekogranične saradnje između zemalja Zapadnog Balkana (CBIB+), organizuju konsultativne radionice povodom pripreme novog programa prekogranične saradnje Bosna i Hercegovina – Crna Gora za period 2014 – 2020.

Konsultativne radionice će biti održane 18.11.2013. godine u Mostaru (Studentski hotel) sa početkom u 10.30 i Nikšiću (sala Skupštine opštine Nikšić) sa početkom u 10.00 sati.

Na radionicama će biti predstavljeni rezultati dosadašnjih aktivnosti na programiranju, a učesnici će imati priliku da, kroz diskusiju, daju doprinos narednim koracima u procesu programiranja i definisanju strategije budućeg programa.



Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEBU

WWW.SOGFBIH.BA

NAJAVA DOGAĐAJA U ORGANIZACIJI SAVEZA OPĆINA I GRADOVA FEDERACIJE BOSNE I HERCEGOVINE

- **18. novembar/studeni - Seminar za vijećnike Općine Kalesija.** Uvodni seminar 'Šta sve vijećnici treba da znaju o lokalnoj samoupravi' održat će se u ponedjeljak, 18.11.2013. godine u Općini Kalesija, sala Općinskog vijeća sa početkom u 11:00 sati. Predavač na seminaru je Hazima Pecirep, rukovodilac Službe za integrisani lokalni razvoj, Općina Novi Grad Sarajevo
- **18. novembar/studeni - Radionica za predsjedavajuće i sekretare općinskih vijeća.** **Mostar**, Hotel "Ero" sa početkom u 11:00 sati.
- **19. novembar/studeni - Radionica za predsjedavajuće i sekretare općinskih vijeća.** **Tuzla**, Hotel "Tuzla" sa početkom u 11:00 sati.
- **20. novembar/studeni - Seminar za vijećnike Općine Vogošća.** Uvodni seminar 'Šta sve vijećnici treba da znaju o lokalnoj samoupravi' održat će se u srijedu, 20.11.2013. godine u Općini Vogošća, sala Općinskog vijeća sa početkom u 10.00 sati. Predavač na seminaru je Miroslav Živanović, vijećnik u Općinskom vijeću Novog Sarajeva i Gradskom vijeću Sarajeva
- **03. decembar/prosinac - regionalni sastanak na temu: „Prezentacija prednosti i dobrih praksi pri implementaciji LOD metodologije“,** **Mostar**, hotel „Ero“
- **04. decembar/prosinac - seminar na temu: "Primjena Zakona o stvarnim pravima FBiH i Prednacrt Zakona o premjeru/izmjeri i registraciji nekretnina FBiH".** **Sarajevo**, Hotel „Grand“ u trajanju od 10.00 do 17.00 sati. Predavači na ovom seminaru će biti prof. dr. Enes Hašić, profesor na Pravnom fakultetu Univerziteta u Bihacu koji će obraditi temu „Primjena Zakona o stvarnim pravima FBiH“, te Hazbo Ličina, direktor Uprave za imovinsko-pravne, geodetske poslove i katastar nekretnina Općine Zenica i Ivan Lesko, direktor kantonalne uprave za geodetske i imovinsko-pravne poslove Hercegovačko-neretvanskog kantona, koji će obraditi temu „Prednacrt Zakona o premjeru/izmjeri i registraciji nekretnina FBiH“.
- **05. decembar/prosinac - regionalni sastanak na temu: „Prezentacija prednosti i dobrih praksi pri implementaciji LOD metodologije“,** **Kladanj**, hotel „Bosna“

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

